

DEN AMBIENTE

CU NOS ARTISTANAN



Jân Poets



RENO STEBA

gran musico Arubano residencia na Hulanda tambe tabata presente na Aruba Jazz & Latin Music Festival formando parti di Jazz Project '91 cu a duna un magnifico presentacion. Reno tempo di su juventud tabata toca pa e banda Earth Sensation, Triple S y Musical Tambe y di

bandanan di hotel. Na '84 Reno tabata traha hunto cu Antonio Lacle dena Aruba Recording Studio, caminda nan a produci hopi grabacion. Reno tabata hopi activo den Voz-I-Landia y OTI, festival di tumba pa juvenilnan hunto cu Gemmy de Freitas.

Na '85 Reno Steba a bay Martinique den un clinica di Jaco Pastorius (q.e.p.d.) cu tabata un di e mihor bajistanan cu tabata toca pa e artistanan grandi. Despues di a sigui e seminario cu exito Reno a dicidi di bay sigui desaroya su mes den e mundo artistico na Hulanda.

Apenas un luna na Hulanda Reno a logra drenta un popband Dutch Formation cual el a keda forma parti pa dos aña viahando pa casi full Europa. Despues Reno a bay traha cu Willy Latino unda el a compania varios artistanan di Hulanda p.e. Lobbo, Cony Vinck, Oscar Harris, Tony Sherman y hopi mas.

Reno ta trahando freelance tambe acompañaando varios grupo tambe Unisono ariba nan tourman.

Actualmente Reno hunto cu un otro Arubiano Johnny Schaarbaai tin nan mesun grupo cu yama Ropes for Tails cu ta e mesun banda cu a bini Aruba pa Aruba Jazz & Latin Festival pero nan a pone e nomber akinan Project 91 door cu nan a traha cu Ivan Jansen y Eddie Samsom.

Segun Reno Jazz and Latin Festival ta hopi interesante y ta haci hopi influencia ariba tereno musical y artistico pa e futuro musiconan. E ta haya cu e ta un experiencia hopi grandi pa nos juventud. Reno a bisa cu e ta kere cu Aruba mester sigui cu Jazz and Latin Festival.

Por ultimo Reno a bisa cu e ta siguiendo tur e proyectonan di nos banda local na Hulanda y e un respect grandi pa Papito y su Doble Sabor pa su hit "Manolo" cu tabata bon pega na Hulanda, tambe pa Claudius Phillips y Hildward Croes cu su gran logro cu 440.

Reno a bisa cu nan prome stap ora nan yega Hulanda ta pa bay graba un CD cual pronto lo ta na Aruba.

ROBERT JEAN D'OR

JEANDOR hunto cu e gran pianista latino Papo Luca den un ensayo pa Fannia Allstars. Debi cu Bobby Valentin su avion tabata tin retrazo, Johnny Pacheco a invita Robert pa ensaya y soundcheck pa e agrupacion aki y si Bobby no presenta na ora Robert lo tabata

tin e honor di a acompaña e banda Fannia Allstars durante nan anochi di presentacion na Aruba Jazz & Latin Festival, mientras cu por a compronde cu di parti di e bandanan di Aruba mes e no a worde invita pa compañaan.

